

Ingen kan sikkert seia kva tid den første kyrkja var bygd i Ekne. Dei eldste papira viser at det var ei gamal falle-ferdig kyrkje ved Gjevik (nå gamle kyrkjegården) alt i 1646. Ein kan da gå ut frå at det hadde stått kyrkje der mykje lengre tilbake i tida. Grunnen til at ho vart bygd der var vel at ho skulle sjåast og høyrast lengst mogleg utover. Det viser seg at kyrkja si inntekt i 1646-1648 var 77 riksdalar og ei ort. Utgifta same åra var 42 riksdalar og ei ort. I 1652 vart den gamle kyrkja revi, og ei ny sett opp.